

AD QVODLIBETARIAM.  
QVÆSTIO MEDICA MATVTINIS AGITANDA  
DISPVATIONIBVS IN SCHOLIS MEDICORVM, DIE IOVIS XX. MENSIS IANVARIJ.

Magistro RICHARDO MARCEZ, Doctore Medico moderatore.

624

*An Epilepsia Pyrotica?*

**N**ATVRÆ decretum est, vt quæ suo genere sunt præstantissima, eadem grauioribus malis opportuna fiant. Homo cæteris animantibus præcellens innumeris ac sæuissimis morbis conflatur, & quod pars est nobilior, eò acerbius exercetur: ex quo fit, vt hepatis, cordi, cerebro, solis principibus partibus, sui sint Herculei labores. Hepar, solo parenchymate *αμασποτυπικόν*, phlegmone, Scyrrhus, hydrops omnis: cor, cuius idem cum arterijs motus, syncope, palpitatio, febris, pestis: cerebrum, sensus & motus principium, *αυαλόθυτον* tamen *αυαλόθυτον*, membranarum, substantiæ ac meatuum læsiones adoriuntur.

**E**REBRI membranas exercet dolor, symptomatum omnium grauissimum, cephalalgia, cephalæa, hemicrania: ad eiusdem substantiam pertinet phrenitis, quæ peripneumoniæ, vt hæc pleuritidi succedens, lethalis. Delirium *μετά γάλατος*, & *μετά σπυγδης*, securius. Melancholia, fatuitas, quæ in phrenitidem faciliè degenerat: sopor, vbiq; malus; catoche, lethargus, pepasmo, ac materiæ præsertim in thoracem decubitu soluendus. Meatus sibi vendicant vertigo simplex, tenebrosa. Apoplexia, quam, vt febris superueniens, sic venæ sectio soluit, interdum iugulat. Paralysis semper in nervis, sæpe à bile exorta: Conuulsio, Tremor, Catarrhus, Epilepsia.

**G**RAVISSIMI quidem affectus, quos tamen omnes vnâ superat Epilepsia; quæ siue primaria, siue secundaria fuerit, à cerebro, ventriculo, intestinis, liene, vtero, crure, tibiâ emanans; vniuersi corporis conuulsione periodicâ cum mentis & sensuum oblâsione definitur: hanc pariunt flatus, vapor, humor quilibet, bilem excipio, qualitas venenata, cerebri abscessus, corrupta menyngis caluæ adherentis portio, à quibus omnes cerebri ventriculi vellicantur, punguntur, obstruuntur: vnde contracto compressoque in se cerebro, vt noxium excutiat, spiritus animalis, cuius duplex est origo, ad nervos prohibitus commeatus; casus, deprauati motus, contorsio, spumæ ex ore emissio, alui, vesicæ, ac seminis inuoluntaria excretio contingunt.

**E**PILEPSIA omni ætati conuenit, puero, adolescenti, iuueni, consistenti, senij illi, etatis, temporum, locorum ac victuum mutatione liberantur: Hi si vigesimum quintum annum excesserint, vt plurimum commoriuntur. Attamen Melancholia, Epilepsiæ solutio: & contra. Quartana à magno morbo liberat. Sternutatione, quæ parua est epilepsia; hæmorrhoidibus, mensibus, foetus, & vermium excludione desinit. Hæreditaria, non cedit remedijs, vt nec arthritidis, nephritis, elephantiasis, phthisis; quæ per cæcos ductus ad cerebrum assurgit, aut in eo exoritur qualitas venenata, ex veneno intus genito, specifice præsidij oppugnâda: cuiusmodi sunt, cum semine radix pœconix, viscû quernum, humanumque cerebrum quod tegit os, pernicis & alces vngula & similia.

**S**ED vt paroxysmo, sic morbo sua remedia; paroxysmo, sternutatoria, vincula dolorifica, partium extremarum frictiones, clysteres acres, suppositoria, vincti dolorifici ægri testes. Morbo consule aëre pellucido, cibis euechymis, somno, exercitatione, nec veneris, nec tu vini capiaris amore: clystima, purgatio, venæ sectio è brachio, saphena sunt ex vsu. Sed ante omnia conferunt pyrotica, potentialia præsertim, a actualibus præferenda: quæ quamquam postrema in longis & conclamatis affectibus statim præsidia habentur imminenti tamen Epilepsiæ, reuelendi ac deriuandi humoris morbifici, roborandique visceris gratia, tutè ac vtiliter comparantur, locus sit *in os*, vertex, brachia, tibia.

*Ergo Epilepsia Pyrotica.*

Asserebat Lutetiæ FRANCISCVS PIIART Parisinus, Anno R. S. H. M. DC. XXII.

DOMINI DOCTORES DISPVATVRI.

M. Guillelmus Belet.  
M. Nicolaus Regnier.  
M. Joannes de Bourges.

M. Valentinus Hyeraulme.  
M. Ludouicus Robillard.  
M. Franciscus Boujonnier. M. R.

M. Michaël Toutain.  
M. Robertus le Secq.  
M. Simon le Tellier. M. K.

